

傅山全書

清·傅山著 尹協理 主編

第十九冊

山西人民出版社

國家古籍整理出版專項經費資助項目

清·傅山 著 尹協理 主編

傅山全書

第十九冊

山西出版傳媒集團



山西人民出版社

傅青主男科刻本 (山西博物院藏)

同治二十二年二月新鐫

太原傅青主先生手著

瑞祥仁鐫

男科

板存介休縣西段屯
地藏廟社義倉內願
印者取板板資隨意

傅青主先生秘傳小兒科方論

小兒科治法

以鼻之上。眼之中。間辨之色。紅者心熱也。紅筋橫直現於山根。皆心熱也。色紫者心熱之甚。而肺亦熱也。色青者肝有風也。青筋橫直現者皆肝熱也。直者風上行。橫者風下行也。色黑者風甚而腎

中有寒。色白者肺中有痰。色黃者脾胃虛而作瀉。觀其色而病可知。

治小兒不食乳方

不食乳。心熱也。葱煎乳汁。今小兒服之亦效。不若用黃連三分。煎湯一分。灌小

兒數匙。即食乳矣。神效。



平安家報

眾所共知自以問雖不難答然亦以病不
得脫然殊堪憐也極幸二弟至以名藥為
予勸身邪 已賜也若果能千步為子
平子內外半著地皆西裝明廣肉尋私

專治產後有瘀滯未盡惡漏作害腹痛方

熟地黄三錢 川芎三錢 元胡索一錢醋炒

益母草三錢 當歸身五錢 香附米一錢醋炒

山查肉一錢去核生甘草三分 枳殼七分麸子炒

加生姜一片去皮 水三大鍾半泡到煎一鍾多煎成

調好黃酒少許攪勻食前溫服大效不拘時

此方崞縣北社李翰林傳來神應效驗

第十九册 目錄

| | |
|---------------|----|
| 卷二百六 傅青主男科(上) | 一 |
| 傷寒門 | 一 |
| 火症門 | 九 |
| 鬱結門 | 一一 |
| 虛勞門 | 一二 |
| 痰嗽門 | 二四 |
| 喘症門 | 三〇 |
| 吐血門 | 三四 |
| 嘔吐門 | 三七 |
| 噎症門 | 四一 |
| 水症門 | 四三 |
| 溼症門 | 四四 |
| 卷二百七 傅青主男科(下) | 四七 |
| 泄瀉門 | 四七 |
| 痢疾門 | 四九 |

| | |
|----------------|----|
| 大小便門 | 五〇 |
| 厥症門 | 五三 |
| 癩狂門 | 五九 |
| 怔忡驚悸門 | 六一 |
| 腰腿肩臂手足疼痛門 | 六三 |
| 心腹痛門 | 六七 |
| 麻木門 | 七〇 |
| 脇痛門 | 七三 |
| 濁淋門 | 七五 |
| 腎病門 | 七六 |
| 雜方 | 七九 |
| 卷二百八 傅青主小兒科 | 八三 |
| 小兒科 | 八三 |
| 藥方手稿 | 九一 |
| 卷二百九 大小諸證方論(上) | 九三 |
| 傅青主先生秘傳小兒科方論 | 九三 |

卷二百一十 大小諸證方論(中)……………一〇三

傅青主先生秘傳雜症方論(上)……………一〇三

卷二百一十一 大小諸證方論(下)……………一四七

傅青主先生秘傳雜症方論(下)……………一四七

附錄一 傅眉集……………一八七

卷一 五言古詩……………一八七

卷二 七言古詩……………二一五

卷三 五言律詩……………二一七

卷四 七言律詩……………二三九

卷五 排律……………二五一

卷六 五言絕句……………二六四

卷七 七言絕句……………二六六

卷八 樂府……………二七一

卷九 賦……………二七四

卷十 文……………二八〇

附錄二 傅蓮蘇集……………二九三

| | | | | |
|----|----------|------|------|-----|
| 卷一 | 五言古詩 | 七言古詩 | 五言律詩 | 二九三 |
| 卷二 | 七言律詩 | | | 三一五 |
| 卷三 | 五言排律 | 七言排律 | | 三四五 |
| 卷四 | 五言絕句 | 七言絕句 | | 三四八 |
| 卷五 | 雜詩 | | | 三五三 |
| 卷六 | 對聯 | | | 三七六 |
| 卷七 | 文 | | | 三七七 |
| 卷八 | 慕湘樓藏傅氏藥方 | | | 三八二 |

卷二百六 傅青主男科^(二)(上)

傷寒門

初病說

凡病初起之時，用藥原易奏功，無如世人看不清症，^(三)用藥錯亂，往往致變症蜂起。苟看病清，用藥當，何變症之有！

傷風

凡人初傷風，必然頭痛、身痛、咳嗽、痰多，鼻流清水。切其脈必浮。方用：荊芥、防風、柴胡、黃芩、半夏、甘草，各等分。水煎服。一劑即止，不必再劑也。

〔二〕 此篇與下篇的傅青主小兒科均以同治二年（一八六三年）王道平校本為底本，以光緒七年（一八八一年）郭鍾岳序本為校本。由蔣天佑先生點校。此次修訂，由趙懷舟、王小芸，據王道平本重校。

〔三〕 「症」，郭本作「證」。以下同。

傷寒

凡病傷寒初起，鼻塞目痛，項強頭痛。切其脈必浮緊。方用：
桂枝、乾葛、陳皮、甘草，各等分。水煎服。一劑即愈。

外感

凡人外感，必然發熱。方用：

柴胡、黃芩、荆芥、半夏、甘草，各等分。水煎服。

四時不正之氣，來犯人身，必然由皮毛而入榮衛，故用柴胡、荆芥，先散皮毛之邪，邪既先散，安得人內？又有半夏以祛痰，使邪不得挾痰以作祟；黃芩以清火，使邪不得挾火以作殃；甘草調藥以和中，是以邪散而無傷於正氣也。若內傷之發熱，則不可用此方。

傷食

凡傷食，必心中飽悶，見食則惡，食之轉痛也。方用：

白朮一錢 茯苓一錢 枳殼一錢 谷芽二錢 麥芽二錢 山楂二十個 神曲五錢 半夏一錢 甘草五分
砂仁三粒。水煎服。一劑快，二劑愈。

瘧疾

方用：遇仙丹：

生軍六兩 檳榔三兩 三稜三兩 莪朮三兩 黑丑三兩〔一〕 白丑三兩〔二〕 木香二兩 甘草一兩 水丸。
遇發日清晨，溫水化三、四丸。尋以溫米飯補之。〔三〕忌生冷、魚腥、蕎面。〔四〕孕婦勿服。

傷暑

人感此症，必然頭暈、口渴、惡熱，甚則痰多、身熱、氣喘。方用：

人參一錢 白朮五錢 茯苓三錢 甘草一錢 青蒿一兩 香薷三錢 陳皮一錢。水煎服。一劑愈。

大滿

此邪在上焦，壅塞而不得散也。方用：

瓜蒌一个搗碎 枳壳三錢 天花粉三錢 梔子二錢 陳皮三錢 厚朴錢半 半夏一錢 甘草一錢。水煎服。

此方之妙，全在用瓜蒌，能去胸膈之食，而消上焦之痰。況又佐以枳壳、花粉，同是消中聖藥。又有厚朴、半夏，以消胃口之痰。尤妙在甘草使羣藥留中而不速下，則邪氣不能久存而散矣。

〔一〕 郭本作「二兩」。

〔二〕 郭本作「二兩」。

〔三〕 「飯」，郭本作「飲」。

〔四〕 「面」，郭本作「麵」。以下同。

發汗

凡人邪居腠理之間，必須用汗藥以洩之。方用：

荊芥一錢 防風一錢 甘草一錢 桔梗二錢 蘇葉一錢 白朮五錢 雲苓三錢 陳皮五分。水煎服。

此方妙在君白朮。蓋人之脾胃健，而後皮毛腠理始得開合自如。白朮健脾去溼，而邪已難存，況有荊、防、蘇、梗以表散之乎。

寒熱真假辨

真熱症，口乾極而呼水，舌燥極而開裂生刺，喉痛日夜不已，大熱烙手而無汗也。真寒症，手足寒久而不回，色變青紫，身戰不已，口噤出聲而不可禁也。假熱症，口雖渴而不甚，舌雖乾而不燥，即燥而無芒刺紋裂也。假寒症，手足冰冷而有時溫和，厥逆身戰亦未太甚，而有時而安，有時而搐是也。

乍寒乍熱辨

病有灑淅惡寒而後發熱者，蓋陰脈不足，陽往從之，陽脈不足，陰往乘之。何謂陽不足？寸脈微，名曰陽不足，陰氣上入陽中，則惡寒也。何謂陰不足？尺脈弱，名曰陰不足，陽氣下陷陰中，則發熱也。凡治寒熱，用柴胡升陽氣，使不下陷陰中，則不熱也；用黃芩降陰氣，使不升入陽中，則不寒也。

眞熱症

方用：

麻黃三錢 當歸五錢 黃連三錢 黃芩三錢 石膏三錢 知母三錢 半夏三錢 枳殼二錢 甘草一錢。水煎服。一劑輕，二劑愈。

眞寒症

方用：

附子三錢 肉桂一錢 乾薑一錢 白朮五錢 人參一兩。水煎服。急救之。

此乃眞中寒邪，腎火避出軀壳之外，而陰邪之氣，直犯心宮，心君不守，肝氣無依，乃發戰發噤，手足現青色。然則用桂、附、乾薑，逐其寒邪足矣，何用參朮？即用，何至多加？蓋元陽飛越，祇一線之氣未絕，純用桂、附、乾薑一派辛辣之藥，邪雖外逐，而正氣垂絕，若不多加參朮，何以反正氣於若存若亡之際哉！

假熱症

方用：

黃連三錢 當歸三錢 白芍三錢 半夏三錢 茯苓二錢 柴胡二錢 梔子二錢 枳殼一錢 菖蒲三分。水煎服。

此方妙在用黃連入心宮，佐以梔子，提刀直入，無邪不散。柴胡、白芍，又塞敵運糧之道，半

夏、枳壳，斬殺黨餘，中原卽定，四隅不戰而歸。然火勢居中，非用之得法，則賊勢彌張，依然復入。又加菖蒲之辛熱，乘熱飲之，則熱喜熱，不致相反而更相濟也。

假寒症

方用：

肉桂一錢 附子一錢 人參三錢 白朮五錢 猪胆汁半个 苦菜汁十三匙 水三杯，煎一杯。冷服。

將藥並器放冷水中激涼，入胆菜汁調勻，一氣服之。方中全是熱藥，倘服不如式，必然虛火上冲，將藥嘔出。必熱藥涼服，已足順其性，況下行又有二汁之苦，以騙其假道之防也哉！

眞熱假寒

此症身外冰冷，身內火熾，發寒發熱，戰慄不已，乃眞熱反現假寒之象以欺人也。法當用三黃湯加石膏、生薑，乘熱飲之；再用井水以撲其心，至二三十次，內熱自止，外之戰慄亦若失矣。後用元參、麥冬、白芍各二兩，煎湯，任其恣飲，後不再甚也。

眞寒假熱

此症下部冰冷，上部大熱，渴欲飲水，下喉卽吐，乃眞寒反現假熱之形以欺人也。法當用八味湯，大劑探冷與服。再令人以手擦其足心，如火之熱，不熱不已，以大熱爲度。用吳萸一兩，附子

一錢，射香三分，〔二〕以少許白面入之，打糊作膏，貼足心。少頃必睡，醒來下部熱，而上之火息矣。

上熱下寒

此症上焦火盛，吐痰如湧泉，面赤喉痛，上身不欲蓋衣，而下身冰冷，此上假熱而下真寒也。方用：

附子一个〔三〕 熟地半觔 山萸四兩 麥冬一兩 茯苓三兩 五味子一兩 丹皮三兩 澤瀉三兩 肉桂一兩
水十碗，煎三碗，探冷與服。二渣再用水三碗，煎一碗，一氣服之，立刻安靜。此上病下治之法也。

循衣撮空

此症非大實，則大虛，當審其因，察其脈，參其症，而分黑白矣。實而便秘者，大承氣湯；虛而便滑者，獨參湯；厥逆者，加附子。

陰虛蠶蛾

方用：

附子一錢，鹽水炒。每用一片含口中，後以六味地黃湯，大劑飲之。

〔二〕「射」，郭本作「麝」。下同。

〔三〕「个」，郭本作「錢」。